

Saksprotokoll i Ungdommens fylkesutval - 23.09.2016

Representantforslag om et nasjonalt kompetansesenter for ungdomsarbeid, ungdomsmedvirkning og ungdomsinformasjon: Representantar frå ANMU skal møtast i Oslo 26. september for å skriva ei uttale til representantforslaget. Vegard deltek frå UFU Hordaland, og vil og skrive ei uttale på vegner av UFU Hordaland. Denne vert sendt ut til UFU sine medlemar på høyring før den vert sendt inn til Stortinget.

Dialogmøte med barne- og likestillingsminister Solveig Horne 23. november 2016: Som tidlegare år har UFU fått invitasjon til å møte barne- og likestillingsministeren i Oslo. Saka vert fremja på neste utvalsmøte der det vert vedteke kven som deltek på vegner av UFU.

Nettverkssamlinga:

- Innleiingar:
 - o Anne Gine Hestetun og Pål Kårbø har takka nei til å opne nettverkssamlinga då dei begge to er oppteken den helga. Nytt forslag er fylkesrådmannen Rune Haugsdal.
 - o Henrik Asheim har takka nei til å halde innlegg om ungdomsmedverknad. Nye forslag er Sara Berge Økland og Njaal Neckelman.
- Ekstra deltakarar: Ei kommune har bedt om å få stille med fleire deltakarar enn dei to som er invitert. UFU vil tillate at kommunane får sende 3 deltakarar, og ber administrasjonen om å sende ein e-post til alle kommunane om aukinga.
- Elevrådshandboka: Vert oppdatert og distribuert på nettverkssamlinga. Eigen organisasjon har fått ansvar for oppdatering og vidare planar om distribusjon.

Deltaking på UFT i andre fylker og konferansar: Dersom nokon frå UFU skal reise på arrangement er det nokre punkt som må følgjast:

- Stadfesting frå foreldra om vedkommande ikkje er over 18 år om at ein får reise utan at nokon tilsett frå HFK er med. Denne stadfestinga må kome inn før ein får melde seg på eller bestille billett.
- Ein meldar seg sjølv på konferansen/UFT/osv. Det er fordi det kan vere ulike spørsmål og slikt ein må svare på og då er det betre at påmelding vert gjort av den som skal delta. Informasjon angående faktura og slikt kan ein stille til administrasjonen.
- For å ordne reise, i hovudsak fly og tog, kan ein sende ein e-post til administrasjonen om kva tid ein ønskjer å reise, samt all anna informasjon ein kan trenge for å bestille billett, slik at prosessen vert så effektiv som mogleg.

Presentasjon fylkestinget 5. oktober kl 09:00: UFU har fått 15 minuttar på å presentere seg for fylkestinget. UFU ønskjer å vere tydelege med konkrete innspel. Leiar og nestleiar vil presentere leiarane for dei ulike områda, samt ta opp at UFU saknar medverknad i saker som kjem til politisk handsaming, før dei vert fremja for politikarane. Dei fire leiarane skal sjå på sine ansvarsområdar og sjå etter ein eller to saker som er viktig for UFU, og som gjerne er i vinden no. UFU ber om at UPP vert distribuert til fylkestinget og administrasjonen vil dette opp med fylkesordførar.

Budsjettmøte 21. oktober: UFU skal få ein gjennomgang av budsjettet samt ein moglegheit til å skrive ei uttale til budsjettet. UFU ønskjer 2-3 eksemplar av budsjettet i papir. Resten av dagen ønskjer UFU:

- Ein orientering hos Skyss
- Ein orientering om regionaliseringa og eventuelle konsekvensar for UFT
- Eit møte med fylkesvaraordførar
- Eigen organisasjon ønskjer møte med kommunikasjonsseksjonen angående heimesida til UFU.

Stadfesting på frávær: Det har vore eit auka ønskje om dokumentasjon på frávær i regi av UFU. No vil ein gjere slik:

- Vegard og Oda skriv dokumentasjon på frávær løypande gjennom året.
- Administrasjonen vil ordne med dokumentasjon på slutet av året.
- Det er viktig at ein får god tid på seg til ordne med slik dokumentasjon, det vil seie at ein får beskjed i god tid før ein treng dokumentasjonen.

Korrespondanse på vegner av UFU: Administrasjonen ber om å stå på kopi ved korrespondanse på vegner av UFU. Det er fordi ein då har større moglegheit til å følgje opp det som skjer, og kan kome med innspel om ein har ytterligere informasjon.

Internasjonalt samarbeid: Regionalavdelinga har sendt informasjon om to moglegheiter til å delta på internasjonale kurs/samlingar. UFU er veldig interessert, men ser at det kan vere utfordrande å vere vekke frå skulen over så lang tid som desse samlingane var lagt opp til.

Plankonferansen 25.-26. oktober: Det var interesse rundt temaet, men ingen som meldte seg til å delta.

Medverknad i saker før dei kjem til politisk handsaming: UFU merker at det er fleire saker som handlar om ungdom der UFU ikkje får kome med ei uttale eller ta del i prosessen før saka kjem til politisk handsaming. Gjeld til dømes skulebruksplanen og nytt inntakssystem. UFU meiner dette er utfordrande og ønskjer å sjå på måtar ein kan få introdusert meir medverknad frå UFU i prosessen:

- Førespurnad til fylkesrådmannen
- Møte med fylkesrådmannen
- Brosjyre/flyer til sakshandsamarar i fylkesadministrasjonen, med meldinga: «Ikkje gløym oss!»
- Nemne på fylkestinget under presentasjonen
- Skrive ein e-post til opplæringsavdelinga i samband med saka om nytt inntakssystem som skal kome opp til politisk handsaming i november